

Headline	Kejayaan pelajar Malaysia di Universiti Kent	Language	MALAY
Date	06. Sep 2008	Page No	4
Media Title	Utusan Malaysia	Article Size	658 cm2
Section	Pendidikan	Frequency	Daily
Circulation	238082	Color	Black/White
Readership	833287	AdValue	4435.42



Kejayaan pelajar Malaysia di Universiti Kent

PELAJAR Malaysia mencipta kejayaan yang membanggakan di Universiti Kent yang juga dikenali sebagai universiti antarabangsa United Kingdom.

Bagi pelajar, **Mohd. Fadhil Masron** dan **Kasdi Kamin**, mereka cukup tertarik dengan atmosfera di universiti tersebut terutamanya dikelilingi pelajar-pelajar dari negara lain.

"Universiti Kent amat unik. Terdapat ramai warga Eropah dan pelajar antarabangsa yang lain menuntut di sini dengan suasana yang nyaman, tenteram dan amat menyelesaikan," ujar Mohd. Fadhil.

Kasdi pula berpendapat, Universiti Kent mempunyai lokasi strategik yang mana ia hanya mengambil masa 90 minit dari London dan merupakan pintu masuk utama untuk ke Eropah.

"Ia amat memudahkan pengembara seperti saya yang berminat untuk mengembara ke tempat-tempat lain untuk mendalami budaya masyarakat di sini. Kent adalah tempat yang paling sesuai," katanya.

Para pelajar yang ingin melawati tempat-tempat menarik seperti Parlimen Eropah atau Menara Eiffel, hanya mengambil masa dua jam perjalanan dengan keretapi ke Brussels atau Paris.

Malah, lebih istimewa, bandar Canterbury yang menggabungkan pusat membeli-belah moden dan tempat-tempat bersejarah memberikan suasana seolah-olah Zaman Pertengahan boleh dikunjungi oleh para pelajar dengan hanya berjalan kaki dari universiti.

Universiti Kent mempunyai sejarah tersendiri yang membuka pintunya kepada semua pelajar dari seluruh dunia. Ini termasuklah pelajar Malaysia seperti Mohd. Fadhil dan Kasdi yang merupakan antara 17,000 pelajar Universiti Kent yang mana 20 peratus daripadanya adalah pelajar antarabangsa dari 140 negara.

Secara tidak langsung, menjadikan Universiti Kent sebagai satu-satunya

universiti antarabangsa di Britain.

Untuk kemudahan pelajar, penginapan rumah sewa hingga bilik belajar yang moden semuanya dilengkapi dengan kemudahan internet jalur lebar. Di samping itu, mereka juga boleh memilih untuk menyewa di perkampungan yang indah berhampiran Canterbury untuk merasa kehidupan di Kent.

Seperti mana kata Mohd. Fadhil, "Canterbury memberi saya peluang yang hebat."

Kedua-dua pelajar tersebut menuntut di Jabatan Biosains yang menekankan kajian mengenai sel biologi dan pembangunannya, jangkitan penyakit, biologi kanser, mikrobiologi alam sekitar, sains protein dan bioteknologi.

Jabatan Biosains, Universiti Kent turut menjalin kerjasama dengan Universiti Teknologi Malaysia (UTM) dan Universiti Putra Malaysia (UPM).

Matlamat utama Jabatan Biosains untuk menggalakkan budaya kecemerlangan dalam penyelidikan dan menjalin kerjasama dengan pelbagai universiti dan industri serta menawarkan pembelajaran kelas pertama kepada semua pelajar dari seluruh dunia.

Dalam projek tahun akhir, pelajar akan menjadi sebahagian daripada kumpulan penyelidik yang turut mengaplikasikan teknologi terbaru dalam menghasilkan ilmu saintifik. Ini secara tidak langsung, membuktikan komitmen Jabatan Biosains untuk melatih para pelajar membina kerjaya profesional mereka kelak.


Graduan biosains dari Universiti Kent memiliki masa depan yang cerah dalam bidang farmaseutikal dan bioteknologi sama ada di United Kingdom atau di negara-negara lain.

Mengenai kaedah pembelajaran di Universiti Kent, menurut Kasdi, para pensyarah amat berdedikasi dan memiliki kaedah pengajaran yang inovatif.

"Silibus mengajar juga berbeza dengan universiti di United Kingdom yang lain. Walaupun, saya mengikuti kursus biologi, saya juga didedahkan

dengan kursus berkaitan perubatan. Ini menjadikan, pengajian saya amat menarik dan menyeronokkan. Saya mencadangkan, agar pelajar Malaysia memilih Kent," ujar Mohd. Fadhil.

Headline **Kejayaan pelajar Malaysia di Universiti Kent**
Date **06. Sep 2008**
Media Title **Utusan Malaysia**



Untuk maklumat lanjut mengenai
pengajian di United Kingdom, sila layari
www.educationuk.org.my atau emel ke
kuilalumpur.education@britishcouncil.org.my.

MOHD. Fadhl Masron (kanan) dan Kasdi Kamin (kiri) merupakan antara pelajar Malaysia di Universiti Kent.